

—Ogi hau jaten dauana beti da biziko,  
hilterik ez dau ikusiko...

*(Gurejauna gorde ondoren, isilunetxo bat egin daiteke, eta  
oharrak eginez —balegoz— otoitza esanez amaitu).*

## OTOITZA

Jainko Jauna: zure aurrean  
gure makaltasuna autortzen dogu,  
gure burugogorkeria  
eta ondasunetarako zalekeria,  
gure zoriona hortxe balego lez  
jokatzen dogulako;  
emoiguzu apaltasuna  
eta senidea zerbitzeko adorea,  
benetako zoriontasuna  
geure barrutik atara ahal izan daigun.  
Jesukristo gure Jaunaren bitartez.  
—Amen.

† Bedeinka gaizala Jainko ahalguztidunak: Aitak  
eta Semeak eta Espiritu santuak.  
—Amen.

† Goazen Jaunaren bakean.  
—Eskerrak Jainkoari.



Urtean zeharreko 14. domekea

ELIZ ALKARTEAREN  
domekako elizkizuna

† Aitaren eta Semearen eta Espiritu santuaren  
izenean.  
—Amen.

† Senideok: zoriontsu izan gura dogu; zorionta-  
sunaren bila ibiltzen gara... baina ze bideetan ze-  
har? Ondasunak pilatzeak eta aberastasunak me-  
tatzeak emoten ete dabe zorionik? Ala zoriona  
geuk daroagu eta banantzen dogunean sumatzen  
dogu zoriontsuak garala? Hauxe da gaurko litur-  
giaren mezua. Hurreratu gaitezan apaltasunera  
hori ulertzeko eta Jainkoaren seme-alaben zori-  
ontasunean bizi izateko.

## Sarrera-abestia

Zein gogo ta eder dan anaiok alkartu  
eta danok batera Jainkoa goratu.  
—Gora bihotzak eta guztiok egin kantua:  
Jainkoak bere eskuz salbatuko gaitu.

## damu-otoitza

† Apaltasunez autortu daigun Jainkoaren eta  
senideen aurrean zoriontasun bila oker bideetan  
zehir ibili garala:

- Elizearen alde: herrialde guztietan bake-bideak urratu daizan alkar errespetatzera deituz eta harrokeria guztiak alboratuz, *eskatu deiogun Jaunari*.
- Besteak euren agintepean edo zigorpean hartzen dabezenak apalen eta sufritzen dabenen oihuak entzuteko gauza izan daitezana eta samurtasunez erantzun deieen, *eskatu deiogun Jaunari*.
- Mundu honek bere norgehiagokako lehian alboratzen dauzanak alkartasunerako eta errespeturako garraxi bihurtu daitezana, *eskatu deiogun Jaunari*.
- Umeen alde, batez ere lanean esplotatuak diranen edo gehiegikeriak sufritzen dabezanen alde: euren umetasuna errespetatu dakien eta maitatuak izatera heldu daitezana, *eskatu deiogun Jaunari*.
- Jainkoaren berbea entzuteko eta hausnartzeko, eta eukaristi-ogia alkarbanantzeko alkartzen garanok apaltasuna landu daigun eta uste on osoa bihotz apal dan Jaunagan jarri daigun, *eskatu deiogun Jaunari*.

† Gure otoitzak Jesus Jaunak irakatsitakoan indar hartu daian, esan daigun gogotsu, Jesusek berak irakatsitako otoitza:

Goratuko zaitut, ene Jainko, ene errege, bedeinkatuko dot zure izena betiren beti. Egunero zaitut bedeinkatuko, zure izena goretsiko beti. **R/.**

Errukiorra eta bihozbera da Jauna, hasarregaitza eta ondoguraz betea. Ona da Jauna guztientzat, errukiz betea bere sorkari guztientzat. **R/.**

Goratu zagiezala, Jauna, zeure sorkari guztiek, bedeinkatu zeure fededunek; aitatu begie zure erregetza ospetsua, berba egin begie zure ahalmenaz. **R/.**

Fidagarria da Jauna bere berba guztietan, leiala bere egintza guztietan. Jaunak eusten deutse jausteko zorian dagozanei, eta lur jota dagozanak jasoten ditu. **R/.**

## **HITZAREN LITURGIA**

Elizeak jarten deuskuzan Jainkoaren mahai bietako lehenengora hurreratuko gara: HITZAREN MAHAIRA. Arretaz entzun daigun Jainkoak esan gura deuskuna:

**Zakarias Profetearen liburutik (Za 9, 9-10)**

—Jesus Jauna, apalek baino ulertzen ez zaitu-  
ena: *erruki, Jauna!*

—Jesus Jauna, Jainkoagandiko zoriona dakarsku-  
zuna: *Kristo, erruki!*

—Jesus Jauna: zorion bidea zaituguna: *erruki, Jauna!*

Goretsi daigun guztion Egile eta Aita/Ama  
dogun Jainkoa:

Jauna, gure Jainkoa:	BEDEINKATUA ZU
Zeru-lurren egile:	BEDEINKATUA ZU.
Guztien Salbatzaile:	BEDEINKATUA ZU.
Gure Jabe zara-ta:	BEDEINKATUA ZU.

Jesus, Jainko-Semea:	BEDEINKATUA ZU.
Guregatik hil zara:	BEDEINKATUA ZU.
Aitak biztu zaitu-ta:	BEDEINKATUA ZU.
Gure artean zagoz:	BEDEINKATUA ZU.

Espiritu Santua:	BEDEINKATUA ZU.
Bizien bizigarri:	BEDEINKATUA ZU.
Poz-emoile bikaina:	BEDEINKATUA ZU.
Negarretan pozgarri:	BEDEINKATUA ZU.

*Egin daigun otoitz Jesus gure Jaunak egiten  
eban lez: horretarako salmoak erabiliz:*

(otoitz hau jesarrita egin daiteke)

Udaia'14      Urtean Zeharreko 14. Domeka /A      Sal 144

E -neJain -ko, e -neer-rege: be-dein-ka-tu -ko dot zu-re i -ze-na-be -ti e-re.

GURE AITA ZERUETAN ZARANA,  
SANTU IZAN BEDI ZURE IZENA,  
ETOR BEDI ZURE ERREINUA,  
EGIN BEDI ZURE NAHIA  
ZERUAN BEZELA LURREAN ERE.  
EMOIGUZU GAUR EGUN HONETAKO OGIA,  
PARKATU GURE ZORRAK  
GEUK ERE GURE ZORDUNEI  
PARKATZEN DEUTSEGUN EZKERO  
ETA EZ GU TENTALDIRA EROAN  
BAINA ATARA GAGIZUZ GATXETIK.

(Gurejauna altara gainean jarri daiteke. Agurtu ondoren —  
belauna okertuz edo burua makurtuz—, esan):

—Jaungoikoaren Bildotsa, zeuk kentzen dozu  
munduko pekatua: **ERRUKI, JAUNA.**

—Jaungoikoaren Bildotsa, zeuk kentzen dozu  
munduko pekatua: **ERRUKI, JAUNA.**

—Jaungoikoaren Bildotsa, zeuk kentzen dozu  
munduko pekatua: **EMOIGUZU BAKEA.**

Jaunartzerako abestia

Jauna dot Artzain, ez dot izango nik goserik  
hark emongo deust zer-jan onik.

—Neu naz zerutik lurrera jatsi dan ogia  
Aitak danori eskeinia...

—Nire gorputza egiz dozue janaria  
ta nire odola edaria...

Honan dino Jaunak:

«Poztu biziro, Sion uri eder!

Egin irrintzi, Jerusalem uriburu!

Hara, bajatortzu zure erregea:

zuzen eta garaile dator,

apal eta asto baten gainean,

astakume baten gainean.

Berak hondatuko ditu Efraimeko guda-gurdiak

eta Jerusalemeko zaldiak;

hausiko ditu guda-uztaiak,

eta bakea iragarriko deutse nazinoei.

Itsasotik itsasora aginduko dau,

Eufrates ibaitik lurraren azken mugetaraino».

*Jaunak esana*

**San Paulo Apostoluak Erromatarrei egindako gutunetik**  
(Erm 8, 9. 11-13)

Senideok: Zuek ez zaree grina txarren menpean bizi, Espirituaren menpean baino, Jainkoaren Espiritua zuekan bizi da-eta. Norbaitek Kristoren Espiritua ez badau, hori ez da Kristorena. Jesus hildakoen artetik biztu eban Jainkoaren Espiritua zuekan bizi bada, Kristo hildakoen artetik biztu ebanak berak biziazoko ditu zuen gorputz hilkorrek ere, zuekan bizi dan beraren Espirituaren bitartez.

Zorretan gagoz, beraz, senideok, baina ez grina txarrakaz, horreen arabera bizi izateko. Holan bizi bazaree, hil egingo zaree; baina Espirituaren bidez giza egintza txarrei uko egi-ten badeutsezue, bizi izango zaree.

*Jaunak esana*

Ebanjelioa

**Jesu Kristoren Ebanjelioa San Mateoren liburutik** (Mt 11, 25-30)

Aldi haretan, Jesusek esan eban: «Bedeinkatua Zu, Aita, zeru-lurren Jauna, gauza honeik jakint-  
tsuei eta burutsuei gorde eta jente apalari  
agertu deutzazuz-eta. Bai, Aita, holan izan dozu  
gogoko. Nire Aitak dana emon deust, eta ez dau  
inork Semea ezagutzen, Aitak baino; ezta Aita  
ere, Semeak baino eta Semeak agertu nahi deu-  
tsanak baino.

Zatoze Nigana nekatu eta zamapetu guztiok, eta  
Neuk arinduko zaituet. Hartu egizue nire buztar-  
ria eta ikasi Nigandik, gozoa eta bihotz-apala  
nazalako, eta aurkituko dozue zeuen arimen-  
tzako atsedena. Nire buztarria leuna eta nire  
zamea arina da-eta».

*Jaunak esana*

*(Ondoren DIRU-BATZEA, egin daiteke)*

### **Oharra**

Bada konpromiso bat gure beharризanei erantzutea,  
eta gure inguruko behartsuei laguntzea. Horren  
ezaugarri dogu orain egiten dogun diru-batzea: be-  
hartsuaren ondoan gagozela adierazten dogu. Hau  
Jesusengandik beragandik ikasi dogu.

### **ESKARIAK**

† Jainkoaren izakereaz apalak baino ez dira  
jabetzen. Apaltasunez hurreratu gaitezana bera-  
gana gure beharrianak aurkeztuz: